



*Objavljeno na ugovornoj ploči
01.10.2019*

Na osnovu člana 13. Odluke o izvršenju Budžeta općine Trnovo za 2019. godinu („Službene novine Kantona Sarajevo“, broj 02/19) i člana 38. Statuta Općine Trnovo („Službene novine Kantona Sarajevo“, br. 12/08), Općinski načelnik donosi

Pravilnik o posebnim uslovima i načinu ostvarivanja prava na novčane podsticaje u oblasti poljoprivredne proizvodnje - direktni novčani podsticaji za tekuću poljoprivrednu proizvodnju

Član 1.

(Predmet Pravilnika)

Ovim pravilnikom propisuju se uslovi koje moraju da ispunjavaju pravna i fizička lica (u daljem tekstu: korisnik) za ostvarivanje prava na novčane podsticaje, postupci za njihovo ostvarivanje, vrsta i visina podsticaja kao i obaveze koje mora da ispuni korisnik nakon primanja novčanih podsticaja za animalnu i biljnu proizvodnju.

Član 2.

(Pravo na apliciranje za ostvarivanje prava na direktne novčane podsticaje)

Pravo na direktne novčane poticaje imaju:

- a) fizička lica (neregistrovana i registrovana lica u skladu sa Zakonom o obrtu i srodnim djelatnostima) koja imaju prebivalište na području općine Trnovo,
- b) pravna lica koja imaju sjedište na području općine Trnovo FBiH, kao,
- c) lica koja se bave poljoprivrednom proizvodnjom u općini Trnovo RS, a imaju mjesto prebivališta u općini Trnovo FBiH.

Član 3.

(Potrebna dokumentacija)

- (1) Kandidat dokazuje ispunjavanje opštih uslova za ostvarenje prava na novčani podsticaj sljedećom dokumentacijom:
 - a) kopijom lične karte
 - b) kopijom transakcijskog računa (bankovne kartice ili potvrda iz banke o transakcijskom računu ili ugovor o transakcijskom računu),
 - c) dokazom o upisu u Registar poljoprivrednih gazdinstava i Registar klijenata izdatim od Općine, ukoliko kandidat nije upisan u Registar poljoprivrednih gazdinstava i Registar klijenata potrebno je dostaviti izjavu da će se upisati u Registar u roku od 30 dana (protokol Općine). Lica koja žive u Trnovu RS-u a imaju mjesto prebivališta u Trnovu FBiH ne trebaju prilagati RPG potvrdu.
 - d) dokazom o sjedištu odnosno prebivalištu na području Općine:
 - za pravna lica izvodom iz sudskog registra;
 - za registrovana fizička lica - općinskim rješenjem o registrovanom obrtu;
 - za fizička lica - CIPS-ovom prijavom prebivališta;
 - e)

- (2) Dokumentacija iz stava (1) ovog člana dostavlja se u originalu ili ovjerenim kopijama ne starijim od šest mjeseci, i ista će se isključivo koristiti za obradu podnesenih zahtjeva za ostvarenje prava na novčani podsticaj.

Član 4.

(Novčani iznosi i normativi za direktne novčane podsticaje)

Novčani iznosi i normativi za direktne novčane podsticaje ostvaruju se na sljedeći način:

- a) **Direktni novčani podsticaji za animalnu proizvodnju se ostvaruje po uslovima iz slijedeće tabelle:**

Red. br	Uzgoj i držanje matičnog stada	Uslovi	Iznos u KM po jedinici proizvodnje ZA NEREGISTROVANE KANDIDATE	Iznos u KM po jedinici proizvodnje ZA REGISTROVANE KANDIDATE
1.	Farma goveda	Minimalno 2 grla Maximalno 50 grla	50,00	60,00
2.	Farma ovaca	Minimalno 30 grla Maximalno 600 grla	8,00	10,00
3.	Pčelarstvo (stacionarni pčelinjak)	Minimalno 10 košnica	15,00	17,00

- b) **Vođenje matičnog knjigovodstva - uzgojno selekcijski rad (ovčarstvo i govedarstvo):**

Dodjeljivat će se novčane naknade poljoprivrednim proizvođačima koji se bave ovčarstvom/govedarstvom za vođenje matičnog knjigovodstva - uzgojno selekcijski rad. Novčana naknada će biti isplaćena po grlu (za ovce – 3 KM/grlu a za goveda 10 KM/grlu). Minimalan broj ovaca u matičnom stadu je 100 grla. Pravo na ovaj vid podsticaja imaju samo oni poljoprivredni proizvođači koji su u 2018. godini potpisali Memorandum o saradnji sa Federalnim zavodom za poljoprivredu a u 2019. godini proveli sve potrebne mjere po osnovu pomenutog Memoranduma.

- c) **Direktni novčani podsticaji za biljnu proizvodnju po uslovima iz slijedeće tabelle**

Red. br	Vrsta biljne proizvodnje	Uslovi	Jedinica mjere	Iznos u KM po jedinici proizvodnje
1.	Zasijane površine pod kromiprom	Minimalno 0,5 Maximalno 2,0	ha	1.500,00
2.	Zasijane površine pod grahom	Minimalno 0,5 Maximalno 1,0	ha	2.000,00
3.	Zasijane površine pod lukom	Minimalno 0,5 Maximalno 1,0	ha	2.000,00
4.	Zasad jagodičastog voća	Minimalno 0,2 Maximalno 0,5	ha	5.000,00

Član 5.

(Posebni uslovi za direktne novčane podsticaje za animalnu proizvodnju)

- (1) Za ostvarivanje prava na direktni novčani podsticaj za uzgoj i držanje matičnog stada goveda, ovaca i pčelinjih društava (u daljem tekstu: stoke) kandidat treba da drži stoku tokom cijele godine te da ispunjava uslove iz člana 3 ovog Pravilnika, što će Komisija utvrditi na terenu na osnovu činjeničnog stanja. Kandidat je obavezan uz zahtjev priložiti i brojeve ušnih markica za stoku.
- (2) Pravo na direktni novčani podsticaj iz oblasti animalne proizvodnje za direktne novčane podsticaje može ostvariti kandidat koji drži stoku na području na kojem je dozvoljeno držanje stoke u skladu sa Odlukom o držanju stoke na području Kantona Sarajevo („Službene novine Kantona Sarajevo“, broj: 17/16), Odlukom o držanju stoke na teritoriji Općine Trnovo („Službene novine Kantona Sarajevo“, broj: 8/17) odnosno u skladu sa materijalnim propisima koji regulišu navedeno na teritorijama drugih općina na području BiH.
- (3) Direktni novčani potsticaj za pčelarstvo će se dodjeljivati isključivo za pčelinjake koji su tokom cijele godine nastanjeni na području općine Trnovo.
- (4) Komisija će utvrditi brojno stanje na terenu neposrednim uvidom.

Član 6.

(Posebni uslovi za uzgoj i držanje matičnog stada ovaca i goveda- matično knjigovodstvo)

Za ostvarivanje prava na direktni novčani podsticaj za uzgoj i držanje matičnog stada ovaca i goveda u svrhu vođenja matičnog knjigovodstva kandidat treba da ispunjava sljedeće posebne uslove:

- a) da posjeduje matično stado ovaca/goveda tokom cijele godine,
- b) da je potpisnik Memoranduma o saradnji sa Federalnim zavodom za poljoprivredu
- c) te da je proveo sve potrebne mjere po osnovu pomenutog Memoranduma.

Član 7.

(Posebni uslovi za direktne novčane podsticaje za biljnu proizvodnju)

- (1) Za ostvarivanje prava na direktne novčane podsticaje za biljnu proizvodnju Kandidati trebaju da ispunjavaju:
 - a) minimalne uslove koji su propisni članom 4. stav (3),
 - b) da provode odgovarajuće agrotehničke mjere,
 - c) da je vlasnik ili da ima u zakupu poljoprivredno zemljište na kome se obavlja proizvodnja,
 - d) u slučaju proizvodnje malina uslov je da mainjak bude stariji od 2 godine.
- (2) Komisija će obići korisnike koji su podnijeli prijavu po Javnom pozivu, te utvrditi činjenično stanje na terenu.

Član 8.
(Javni poziv)

- (1) Javni poziv sadrži: uslove koje kandidat mora ispunjavati, kriterije za dodjelu direktnih novčanih podsticaja, rok za podnošenje prijave, dokumentaciju koju kandidat treba da priloži i eventualno druge potrebne podatke.
- (2) Javni poziv se objavljuje na oglasnoj ploči Općine Trnovo, na oglasnim pločama mjesnih zajednica Općine Trnovo kao i na web stranici Općine te će biti otvoren 15 dana od dana objavljivanja.
- (3) Ukoliko se desi da se prijavi više kandidata koji ispunjavaju uslove nego što je planirano, sredstava će se dodjeliti u skladu sa raspoloživim.

Član 9.
(Podnošenje zahtjeva)

- (1) Zahtjevi za dodjelu direktnih novčanih podsticaja podnose se Komisiji za odobravanje direktnih novčanih podsticaja putem Protokola na originalnom obrascu koji se preuzima u šalter Sali općine kao i web stranici Općine.
- (2) Za ostvarivanje prava na direktne novčane podsticaje kandidat je dužan podnijeti poseban pojedinačni zahtjev za svaku vrstu novačanog podsticaja. S tim da korisnici kojima se odobre sredstva za jednu vrstu animalne proizvodnje mogu dobiti i za preostale, ukoliko su to naveli u zahtjevu.
- (3) Dodjela sredstava po predhodnom stavu je moguća samo ako ostane dovoljno istih te da su predviđeni za ovu namjenu.

Član 10.
(Izbor kandidata za dodjelu direktnih novčanih podsticaja-rad Komisije)

- (1) Komisiju za odobravanje direktnih novčanih podsticaja imenuje Općinski načelnik. Komisija se sastoji od predsjednika i dva člana.
- (2) Zadatak Komisije je: pregled prispjelih prijava i dokumentacije i utvrđivanje liste - prijedloga kandidata za dodjelu finansijskih sredstava po objavljenom Javnom pozivu, a na osnovu utvrđenih kriterija u Javnom pozivu u skladu sa raspoloživim finansijskim sredstvima kao i utvrđivanje činjeničnog stanja na terenu.
- (3) Komisija će izvršiti uvid u stanje na terenu korisnika koji budu ispunjavali minimalne uslove te će sačiniti rang listu i na osnovu iste Općinskom načelniku predložiti lica za dodjelu sredstava.

Član 11.
(Lažno prikazivanje)

Ukoliko komisija utvrdi drugačije činjenično stanje na terenu od onoga koje je klijent naveo u zahtjevu i izjavi, naredne tri godine njihovi zahtjevi za dodjelu bilo kakvih novčanih sredstava od strane Općine Trnovo neće biti razmatrani.

Član 12.
(Stupanje na snagu)

Ovaj Pravilnik stupa na snagu danom donošenja. Stupanjem na snagu ovog Pravilnika prestaje da važi Pravilnik o posebnim ulovima i načinu ostvarivanja prava na novčane pdsticaje u oblasti poljoprivredne proizvodnje – direktni novčani posticaji, broj: 02-05-3612/18 od 21.11.2018. godine.

Broj: 02-02-3703

Trnovo, 30.09.2019. godine

